

~~C 8288~~

Ud 5360

Biblioteka Jagiellońska



stdr0007433

- 1
- 2, *Epitaphia Ophi. Merzini a Kurozowski.*
- 3, *Dreover, Carph. Radzivil.*
- 4, *Bursius, Oratio funebris.*
- 5, *Jacobellus, Feralis pompa in funere A. Corvini.*
- 6, *Stemek, Andr. Lipe Liposki.*
- 7, *Jacobellus, idem g. no. 5.*
- 8, *Ch. de Chaloz Chalucky*
- 9, *Cornelius, Spiegel Gütten Obigkist.*

13
FERALIS POMPA

In funere Illustrissimi ac Gloriosissimi Viri

**ALEXANDRI
CORVINI
GOSIEWSKI**
Palatini Smolenscen: &c.

Descripta

à JO: BAPTISTA JACOBELLO.

*Ser:ma Cæcilie Renate Reginae Poloniae
& Sueciae, Sacellano.*

Dedicata Illustrissimis DD.

**STANISLAO, CHRISTOPHORO,
& NICOLAO PACIIS.**

Illustrissimi ac Excellentissimi

D. STEPHANI PAC PRO
*Cancellarij Lithuaniae Filijs Ado-
lescentibus & Patronis Optimis.*



VILNÆ, Typis Academicis Soc: Jesv, Anno 1639.

Illustrissimis Dominis

STANISLAO, CHRISTOPGORO,
& NICOLAO PACIIS. S:

Illustrissimi DD.

Libentiùs sanè, ac meliùs, novos huius Regni de
Barbaris Triumphos, quàm luctum Cognatæ
Domus, atq; vniuersæ Reipublicæ lacrymas, ob
amissum Illustrissimum Dominum Alexandrum Cor-
uinum Gosiewski, Palatinum Smolenscensem, vobis
inscripsissem (Magnanimi Adolescentes.) Sed quoniã
præclara Indoles ad magna nata, idèd nunc meliori-
bus artibus excolitur, vt funestas aliquando Magno-
rum Senatorum iacturas in Patria reparet, ac vacuas
sedes impleat; non immeritò magnarum quoq; vir-
tutum speculum, obijcio ante oculos, vt non desint in
adolescencia, quos futuris temporibus habeatis ad
imitandum. Exemplum sanè rarum aspicietis pietatis,
ac fortitudinis: hæc hominem ad Gloriam in terris,
illa ad immortalem cum Superis vitam instituit. Fœ-
lices, cum præclara huiusmodi ad virtutes incitamen-
ta, non alibi requirantur à vobis, sed domi recurrant.
Has igitur assiduè cõtèmplando, crescite ad honores,
ac munera: atq; ego interim Illustrissimis DD. Vestris
fausta precatus, obsequia mea diligentissimè defero.
Vilnæ die 6. Junij 1639.

Illustris: DD. Vestrarum

Addictissimus Seruus

JOANNES BAPTISTA JACOBELLVS.

FERALIS POMPÆ DESCRPTIO.

Moriebatur Alexander Coruinus
Gosiewski, Palatinus Smolen-
scensis, Vir ob militarem virtutē
euo dignus, ac forte pectus, cen-
ties olim pro Patria præliantium ictibus ex-
positum, nunc biennali, siue morbi, siue inimi-
ce Mortis obsidione conflictatum, paulatim
elanguerat; cùm animus mortalis gloriæ sa-
tur, ad immortalem vitā aspirans, piè, san-
cteq; compositus, placidè euolauit ad Deum.
Cecidit Heros fortissimus, Regni decus, Mi-
litie robur, Moscovitarum terror, Suecorum
excidium; sanè primus, qui Gustauum ali-
quando collimauit tormento, docuitq; cete-
ros, posse occidi. Inuictus, illesus, diuina sæ-
pius manu tectus, parta pace publica, paca-
tisque finibus, quos tuebatur, esse desijt inter
vivos, viuus ipse, ac fama apud viuos nun.

A 2

quam

912778

quam ampliùs moriturus. Cecidit inter plu-
mas, quas oderat, qui semper stetit in acie
Miles: longè ab armis, qui Mensem integrũ
aliquando sub armis cibum, ac somnũ sum-
psit: Inermem demũm confecit Mors, qui
semper armatus in Castris pro fide, ac Pa-
tria mori voluit. Obijt in Aula, qui longè ab
Aula, non in Aula honores acceperat: In
Ciuitate, qui Campum, & Castra Ciuitati
prætulit: In Aulicorum frequentia, qui se-
pius inter milites conuixit. Tres Fratres, stre-
nuos, fortesque amisit in bello, quos olim Pa-
trie tutelæ deuouerat in Liuania, filiumq;
qui eadem viâ Paternos honores, postmodũm
Domui redditos, promereri cœperat adole-
scens, diu inter arma, & Milites exercuit.
Ciuilis belli, quod acriter detestabatur, filũ,
indutis pro Rege armis, ac stricto cum ceteris
gladio, abrumpere voluisset, nisi solemni ad
Moscum pro Nuptijs legatione implicitum,
ceso mox per rebellionem Demetrio, ac nostris
magna ex parte iugulatis, in ipsa Metropo-
li per-

li perdiuelli sub custodia per triennium deti-
nuissent; ubi impavidus, insultantis hostis,
nec minas timuit, nec minari pro dignitate
desijt. Secuto bello, is, qui Mosconiã, ac bar-
baros Moscouitarum mores notauerat præ-
sens, illicò Militem conscripsit, ac Seueriam
ferè totam, adiacentesq; Prouincias infesto
agmine peragravit. Nullus fuit locus, reces-
susq; tam abditus, quem non suo equo calcã-
rit, aut sui terrore non impleuerit. Biallam
propugnaculum fortissimum, ipsemet olim
forti impetu cœpit. Sperante nemine. Moscos,
quoties vidit, fudit, occurritque tunc magis
infestus, cùm longius esse crederent. Capta
demum Moscua Metropoli, solus ipse à
Magno illo virtutis Censore Zolkenio eli-
gitur, qui Arcem, ac Ciuitatem regeret, &
tum Polono, tum Lithuano Militi promi-
scuè imperaret. Hic maximi propugnatoris
laudem, toto Orbe in admirationem conuer-
so, promeruit; siquidem obsidione propè tri-
ennali, quod inauditum, in hostili Prouincia,

contra innumerabilem multitudinem, locum tenuit; prouidaq; solertia longe à suis, quorū per Annum nec Nuntium admiserat, nec Militi defuit, nec defecit ipsi Militum fides, donec frustrato per tantum tempus hostium conatu, Arcem aduentanti successori integram tradidit. Dicere solitus erat, diutius nunquam intra septum, ac murorum ambitum, quiescere armatū corpus, sed animum, mentemq; continua sollicitudine, vigilijsq; agitatam, ubi tot hostes incessanter Machinas adhibebant, nunquam melius ad gloriam intendisse. Vix obsidione liber, obsidentem Smolenscum Mastrucam, & Moscos, parua suorum manu incredibili clade affecit, ac presidium vix non tabe confectū, suo recreauit aduentu. Dein pactis inducijs, limitaneus trium Prouinciarum Custos, & Palatinus, retentas Arces loco Principis pleno iure administravit, ac desertas oras pacis artibus propè in pristinum decus restituit. Sed non diu Magnanimum virum
otiari

otiari patiebatur bellicus Mars; nam ingruente ad fines Turcarum procella, ipse alibi comprimenda coniurata Suecorum audacia destinatus, arma induit, atq; impijs cognati hostis conatibus obstitit. Eundem paulo post fœdifragum, ac Curlandiam inuadentem, demandata sibi præ ceteris cum suprema potestate armorum cura, continuit, atque insigni diuersione in aliam Prouinciam arma transferre coëgit; ubi illud accidit memorandum, cum pedites in hostem præeundo direxisset, ac pugnantibus, sese obuertendo, locum faceret, tactus globo, qui altè perforata in occipitio galea, ceteroqui innocens, inter cutim, & ferrum, veluti per gyrum, propius ad oculum exiuit; incolumis, & sine vulnere, redijt ad suos. Certum indicatiū, gratiorem Deo pietatem Militum, quod magis raram, ab ijsque sæpius certā mortem, cum minus sciant, diuina ope propulsari. Pactis iterum cum Sueco inducijs, ac renouato à Moscis bello, prouida ipsius solertia datum, quod Smolen-

lenschum forti milite, atque omni commeatu
ita firmarit, ut annalem obsidionem perfer-
ret, atq; aduentanti Regi triumphandi mate-
riam amplissimam præberet ad muros. Ma-
lisset grandæuus senex, intra mœnia præ-
stantissimæ Arcis clausus, cum ceteris Mar-
tis aleam subire, ac noua Moscis antiquæ
virtutis reddere documenta; sed obtestante,
ac vix non comminante Rege, inuitus egres-
sus in Campum, continuò hostilem exercitiũ
carpendo, & suppetias sæpius in Arcem in-
tulit, & vltiores in apertam Prouinciam
excursiones, progressusq; prohibuit. Tandem
Uladislao Rege, tot victorijs inclyto, cumu-
lata Sarmaticæ Gentis armorum gloria, atq;
alta pace sopito Regno, dum vicini hostes
admirabundi silent, qui hostiles Arces euer-
terat, Tempia Deo, sibi in cælis munimenta
magnifico sumptu erexit, fundauitq; equato
Campestrium Victoriarũ numero. Demum
sanctimonia torus vacans, viuendi finem ha-
buit, quem diximus, dignũ Christiano, ac pio
Prin-

Principe; absq; dolore, nisi dolorem voces, do-
lentẽ nimis vidisse Vxorẽ, Matronã præstan-
tissimam, quæ cum Annis propè quadragin-
ta, suscepta florentissima prole, amantiſsimẽ
vixerat. Hanc sibi elegerat ex Paciana Do-
mo, partis olim sub Vitepsko Trophæis, cele-
brata in historijs, atque à ducentis Annis
Senatoria, clara in primis, & fide erga Pa-
triam, & Principes insigni. Huius luctum
miserebantur omnes, cum ferale bustum an-
te ipsam in publicum efferretur.

Præibant longo ordine Religiosi omnes,
quotquot Vilnæ erant, accensas faces præfe-
rentes, ac propitium Numen tanto Heroi in-
uocantes. Respondebat ad numerum Regius
Musicalis Cœcentus, quẽ sequebatur Clerus,
& loci Suffraganeus sub Mitra, ceteroque
Pontificali ornatu. Post hæc trahebatur sex
equis, pretiosiori holoserico ornatis, feralis
Currus, in quo sola Mors triumphabat, sed
decora Mors, quæ morienti steterat pro tri-
umpho. Pendebat circumquaq; grande stra-

B

tum

tum, eodem holoserico confectū, quod Mili-
tes aliquot in gyrum dispositi, recolligebant,
collectis sepius in eo lacrymis, quæ abunde
fluebant ex oculis. Iacebat in strato ex ani-
me corpus, intra Arcam compositum, rubro
holoserico ornatā, atq; argenteis capulis pul-
chrè distinctam. Supra caput, Christi pen-
dentis effigies; in medio Imperatoria Claua,
ac framea auro gemmisque diues: Ad pedes
ipsa eadem Galea, sub qua Dei beneficio ser-
uatus, supra Galeam scriptum Iuncta Pie-
tate tuetur. Post hæc videre erat mæstissi-
mam Vxorem, Filiumque in nouo Palatini
Titulo reslorescentem, ceterosque Cognatos
immersos in luctu. Comitabantur funus
Principes Senatus non pauci, & inter eos
Stephanus Pac Lithuanie Pro-Cancella-
rius, lugentis Matrone Germanus Frater,
tum sanguine, & amore, tum virtute ac
moribus mortuo coniunctissimus. Sic ventū
ad Templum, inde ad Theatrum quod singu-
lari structura erexerat Augustinus Loccius
Ita.

Italus, Regius Machinarum Inuentor feli-
cissimus. Referebat tumultuarium opus, a
Militibus, non secus ac in Castris, congestis
solummodo bellicis, quæ ad manus venerāt,
instrumentis eleuatum. Basis erat per mo-
dum Arcis, quatuor propugnaculis, ad belli-
cam mensuram instructa. Merito dixisses.
Castrum doloris. In angulis affixo lapide
legere erat.

Hic PRO DEO ET PATRIA
BELLATORI
FORTISSIMO

Ibi REGIÆ MAIESTATIS
DEFENSORI
CONSTANTISSIMO

Alibi ACERRIMO
ARCIVM
PROPUGNATORI

Alibi MILITVM
PARENTI
OPTIMO

ad latera munitionum prima inscriptio

Ob numerosos Moscorum exercitus profligatos
Lepunam hostem infensissimum
singulari stratagemmate
in præceps datum
Mastrukam, ac cæteros ab Smolensci obsidione
fugatos

Secunda

Ob Smolenscum forti milite, atque omni comiteatu
ad sustinendam annalem obsidionem
tempestiuè munitum
Sæpius illatis suppetijs firmatum

Tertia

Ob Moscuam hostilem Metropolim
Propè ad triennium summa virtute retentam,
Atque incredibili constantia
Contra innumerabiles copias propugnata.

Quarta

Ob Imperatoriam potestatem
sæpius summa cum laude,
& incredibili militum amore administratam.
Suecos astu progredientes, mira arte compressos,
Et quoties è caueis, ac latebris exciuerit,
cæsos, victosque,
Celeritate, industria, forti manu.

Collocabantur frequentes in gyrum, supra
muri defensiones, bellici aei globi, quos scilicet

cet accenso interius puluere, in confertam
turbam impetum facientem, defensores pro-
ijcere solent. Hi longo ordine propè ducenti
emissa flamma funeri pralucebant. Erant
alibi pensiles globi similes, qui miro artificio
circumquaque spirabant ignes, quasi iam
iam in partes dissecti prosilirent. Assurge-
bant in medio recto ordine, quatuor maiora
tormenta, quæ flammam in altum, ac pilas,
veluti concepto recenter igne, euomebant. Hæc
coniungebant quatuor equestres hastæ in lon-
gum demisse, ac per fractionem in transuer-
sum reflexæ. Totidem integre ad punctum in
medio inclinate, testudinem simul, & Coro-
nam faciebant. Interposita testudinis spatia,
Vexilla hosti abrepta, pharetra, sagittæ, fra-
mæ, ac quidquid bellicum remanet, veluti
in unum coaceruata, implebant. Inter ar-
ma disponebantur quatuor maiores Clypei,
in quorum medio huiusmodi insignia, iuxta
contentum inferioris, inscriptionis erant ap-
picta.

Primo loco due manus digladiantes, & ex vna parte interuolans Coruus, iuxta antiquam Coruini historiam addito versu

EXITIVM INTERMINAT HOSTI

Secundo loco Armellinus luto circumuallatus, addito versu

TVTUS ERIT CANDOR

Tertio Aquila serpentem vnguibus arreptum è cauea extrahens, addito versu

SIC PERIT EXTRACTVS LATEBRIS

Quarto laurea Corona in altum exposita, addito versu

REFERET NEGLECTA PER OTIA LABOR

In altiori testudinis parte, ac supra hastas grandior eleuabatur gladius, quem breuis fascia intersecabat, inscriptis verbis

DEO, REGI, ET PATRIÆ.

Gladio infixæ Mors, cui insidebat demortui Gentilitium Stemma, nempe equi solea, supra soleam Crux; supra Crucem Coruus, gemmatum annulum rostro tenens. In medio igitur huiusmodi fictitiæ Arcis spatium

ac

ac sub umbratili testudine, strato holoserico, suppositisque quatuor ferreis galeis, Arca fortissimi Viri exuuijs diues firmatur, cum Sacrum Musicali concentu fieri cepit. Concionem habuit insignis Concionator, qui singulari facundiâ in demortui laudem perorauit. Sacris peractis, factoque silentio, Illustriss: ac Excellentiss: D. Christophorus Chodkieuicius Magni, illius Caroli Nepos, Castellaneus Vilnensis, qui nomine Regis interfuerat, longa Oratione, gesta, ac laudes Magnanimi Herois eloquentissimè expressit. Secutus Illustrissimus ac Excellentissimus Princeps Georgius Ossolinus Regni Pro-Cancellarius, qui locum Regine tenuit, & amplissimum de eodem, Viro recitauit elogium. Sic ordine ceteri. Tandem ferilis Arca deponitur, atque inanime corpus tumulatur, dolentibus vniuersis.



*Glaudit Pompam, quod ultimò superuenit
Epigramma Sarmatici Poëta.*

R. P. MATTHIÆ CASIMIRI SARBIEWSKI
Societatis IESV, Regij Concionatoris.


Musa tene Calamum. pro nigri rore liquoris
Gosiewij in laudem flumina magna fluunt.
Belligeri quoties rubefacta Borysthenis unda!
Hostili quoties sanguine Duna tumet!
Huius ripa Gothis, illius ripa Gelonis
Vtraque pro Tumulo est, utraque pro Titulo.
Cætera vis? melius describunt cætera lati
Pro chartis Campi, pro Calamis Gladij.
Neu scribenda nigri desint ad bella liquores,
Affundunt mæstas Natus, & Vxor, aquas.

D. O. M.

MAGNO HEROI.

Alexandro Coruino Gosiewski Palatino Smolenscensi
Bene merenti, Bene mærentes
Charissimo Coniugi
Eua Pacia, Coniux.

CHRISTOPHORVS CORVINVS GOSIEWSKI
Palatinus Smolenscensis
honoris Vicarius
&
luctus hæres
P. P.



Hist. Polon.
v. Hissell.

